

RISALAT-RISALAT YANG DIBAWA
KE DALAM MESYUARAT

Tahun 1989

Tarikh dibentang

ST. 9	Yayasan Tunku Abdul Rahman Laporan Tahunan Dan Penyata Kewangan 1987.	16hb. Mac, 1989
ST. 20	Peraturan-peraturan Pemaju Perumahan (Kawalan dan Pelesenan) 1989.	16hb. Mac, 1989
ST. 24	Peraturan-peraturan Racun (Bahan-bahan Psikotropik) 1989.	16hb. Mac, 1989

hm.

ATURAN URUSAN MESYUARAT

HARI KHAMIS, 16HB MAC, 1989 PUKUL 2.30 PETANG

Bil. 8

1

PERTANYAAN-PERTANYAAN BAGI JAWAB MULUT

*1. **Tuan Haji Mohamad bin Haji Isa** minta Menteri Tenaga, Telekom dan Pos menyatakan bahawa dalam jawapan bagi soalan ini pada tahun 1987 (Oktober) bahawa Pejabat Pos Kuala Krai akan dijangka siap pada awal tahun 1989, tetapi malangnya sehingga hari ini, Pejabat Pos yang dikatakan dijangka siap itu masih belum nampak apa-apa pun; oleh itu sekali lagi saya ingin tahu bilakah Pejabat Pos itu akan didirikan bagi kemudahan penduduk Kuala Krai.

*2. **Tuan Mutang Tagal** minta Menteri Pertanian menyatakan sama ada daging hasil daripada lembu yang diberi "growth hormone" di Amerika Syarikat diimport ke negara ini memandangkan negara-negara Kesatuan Ekonomi Eropah (European Economic Community) telah menghentikan pengimportan daging tersebut ke negara mereka atas alasan bahawa daging tersebut mengandungi racun. Jika ya, nyatakan amaun yang diimport. Jika tidak, apakah langkah yang diambil supaya daging tersebut tidak diimport ke negara ini.

*3. **Dr Tan Seng Giaw** minta Menteri Kesihatan menyatakan pencapaian usaha-usaha Kerajaan mengesan dan mengawal merebaknya penyakit AIDS di kalangan:

- (a) penagih dadah yang mengguna jarum suntikan yang sama;
- (b) pengamal hubungan seks sejenis;
- (c) pelacur; dan
- (d) pesakit-pesakit haemophilia.

Bagaimanakah Kerajaan bercadang memerangi "AID phobia" di mana orang ramai takut untuk tampil ke hadapan menguji darah mereka. Setakat ini, berapa ramaikah kakitangan perubatan yang ditugas khas untuk mengawasi serta menjaga kesihatan pesakit dan pembawa AIDS di Malaysia. Apakah sumbangan yang dibuat oleh Malaysia kepada uji kajian ubat merawat penyakit AIDS, sama ada menawar untuk menguji ubat baru, memberi maklumat atau lain-lain bentuk sumbangannya.

*4. **Tuan Muhamad bin Abdullah** minta Menteri Pertanian menyatakan:

- (a) adakah tindakan-tindakan yang dilaksanakan bagi mengatasi masalah tanah terbiar telah mencapai matlamatnya. Kalau tidak adakah Kerajaan bercadang untuk menubuhkan sebuah badan khas bagi menyelesaikan masalah tersebut; dan
- (b) sehingga sekarang berapa peratuskah tanah-tanah terbiar di seluruh negara telah dipulihkan.

- *5. **Tuan Haji Mohamad Yussof bin Haji Abdul Latib** minta Menteri Kesihatan menyatakan adakah Kementerian Kesihatan bercadang untuk menyeragamkan pakaian Jururawat-jururawat dengan memakai seluar panjang berwarna putih menggantikan skirt dan berbaju tangan panjang dan bertudung sesuai dengan dasar penerapan nilai-nilai Islam dalam pentadbiran.
- *6. **Tuan Ong Tee Keat** minta Menteri Perdagangan dan Perindustrian menyatakan jumlah dan peratusan pelaburan asing yang terdiri daripada pelabur-pelabur Taiwan pada tahun 1987 dan 1988.
- *7. **Tuan Maidom P. Pansai** minta Menteri Pembangunan Negara dan Luar Bandar menyatakan jumlah peruntukan yang diberikan kepada negeri Sabah untuk tahun 1989:
- (a) bagi projek peningkatan taraf jalan raya ke "Semi-grouting" dan pecahan angkanya mengikut daerah;
 - (b) bagi projek bekalan tenaga letrik luar bandar dan pecahannya mengikut daerah; dan
 - (c) bagi projek industri kampung dan pecahannya mengikut daerah.
- *8. **Tuan Karpai Singh** minta Menteri Kemajuan Tanah dan Kemajuan Wilayah menyatakan butir-butir berkaitan projek-projek yang diambil oleh "Penang Regional Development Authority" (PERDA) semenjak permulaannya.
- *9. **Tuan Haji Hussein bin Haji Taib** minta Menteri Pembangunan Negara dan Luar Bandar menyatakan:
- (a) kenapakah Maktab Rendah Sains MARA (MRSM) menghentikan pengambilan kemasukan Tingkatan Satu pada tahun ini (1989). Bukankah tindakan ini menjadikan lebih ramai bilangan murid yang berkelayakan tidak dapat tempat di sekolah-sekolah berasrama penuh yang sememangnya Kementerian Pendidikan sendiri tidak dapat mengatasinya;
 - (b) adakah Kementerian Pembangunan Negara dan Luar Bandar (KPNLB) telah berunding dengan Kementerian Pendidikan dalam perkara ini;
 - (c) adakah MRSM akan mengubah pula dasar pengambilan penuntutnya di tahun hadapan.
- *10. **Tuan Chian Heng Kai** minta Menteri Pendidikan menyatakan sehingga 28-2-1989, bilangan guru-guru yang tidak berkelayakan bahasa Mandarin yang kini mengajar mata-mata pelajaran selain daripada mata pelajaran Bahasa Malaysia dan Bahasa Inggeris di SRJK (C) dan (T) dan beritahu sebab mengapa kejadian ini berlaku dan apakah dasar Kerajaan Barisan Nasional terhadap perkara ini.
- *11. **Tuan Hu Sepang** minta Menteri Penerangan menyatakan sebab-sebab rancangan gusi wanita "FLAIR" ditayang dan kemudiannya dibatalkan.
- *12. **Tuan Hj. Mohd. Zain bin Abdullah** minta Menteri Dalam Negeri menyatakan adakah orang-orang yang sudah mendapat taraf kewarganegaraan Malaysia (mempunyai kad pengenalan biru) masih boleh ditangkap oleh pihak berkuasa Malaysia untuk diserahkan balik ke pihak berkuasa negara asalnya bagi menghadapi sebarang tuduhan jenayah atau subversif di mana-mana mahkamah di negara asalnya. Berapa ramaikah bilangan orang-orang yang terlibat dan berapa lamakah sesorang itu mendapat taraf kewarganegaraan Malaysia baru boleh dituduh dan dibicarakan di Mahkamah negara.

*13. **Tuan Fung Ket Wing** minta Menteri Kewangan menyatakan jumlah wang yang belum dijelaskan seperti berikut bagi semua bank dan institusi kewangan setakat 31-12-1988:

- (a) hutang lapuk;
- (b) faedah dalam penggantungan;
- (c) hutang yang diragui;
- (d) wang terkumpul dari (a) dan (b) di atas.

Apakah sebab-sebab dan alasan-alasan bagi hutang lapuk dan hutang yang diragui itu dan apakah tindakan dan langkah yang akan diambil untuk memperolehi kembali wang tersebut serta mencegah dari berlakunya perkara sedemikian pada masa depan.

*14. **Puan Siti Zainabon binti Abu Bakar** minta Menteri Kebajikan Masyarakat menyatakan dalam usaha Kerajaan memberikan peluang pekerjaan kepada orang-orang yang tidak bernasib baik, iaitu orang-orang cacat:

- (a) berapakah bilangan mereka yang telah mendaftar untuk bekerja di sektor awam;
- (b) berapakah bilangan mereka telah diambil bekerja dengan sektor awam dan apakah jawatan-jawatan yang telah disandang dan dipegang oleh mereka; dan
- (c) apakah usaha-usaha Kementerian supaya sektor awam memperuntukkan jawatan-jawatan tertentu untuk mereka.

*15. **Tuan Jawah ak. Gerang** minta Menteri Pendidikan menyatakan:

- (a) apakah dasar kerajaan berkenaan dengan pengajaran bahasa-bahasa tempatan seperti bahasa Iban, Kadazan, Murut, Bisaya, Punan, Bajau Bidayuh dan lain-lain di Sekolah di seluruh negara;
- (b) sama ada Kerajaan bercadang untuk menjadikan pengajian bahasa-bahasa tempatan tersebut boleh dijadikan salah satu daripada subjek yang diajar di sekolah-sekolah di seluruh negara; dan
- (c) apakah bentuk galakan yang diberikan oleh kerajaan supaya bahasa-bahasa tempatan di Negara ini dapat dikembangkan selain daripada bahasa Malaysia.

*16. **Tuan Ngoi Thiam Woh** minta Menteri Dalam Negeri menyatakan adakah Kerajaan akan mengumumkan satu laporan yang digubalkan oleh delegasi Palang Merah Antarabangsa dari Geneva selepas melawat Kem Penahanan Taiping dalam tahun 1986, jika tidak mengapa.

*17. **Tuan Haji Mohd. Zihin bin Haji Mohd. Hassan** minta Menteri Pendidikan menyatakan berapakah jumlah pelajar-pelajar Malaysia yang dihantar pada tiap-tiap tahun ke England, Australia, Amerika dan lain-lain negara. Dan berapakah perbelanjaan yang dikenakan ke atas mereka pada tiap-tiap tahun. Tidakkah setengah-tengah kursus itu boleh dipelajari di negara kita bagi menjimatkan wang.

*18. **Dato' Dr Affifudin bin Haji Omar** minta Menteri Penerangan menyatakan apakah tindakan yang diambil oleh Kementerian setakat ini untuk melawan kempen memburukkan negara ini di dalam bentuk filem-filem mengenai pembalakan hutan tropika seperti yang dilakukan oleh syarikat-syarikat T.V. di Australia.

*19. **Tuan Nurnikman bin Abdullah** minta Menteri Penerangan menyatakan adakah Kerajaan hendak meneruskan SEMARAK Sabah dan jika ia bilakah tarikh pelancaran itu. Berapakah jumlah wang yang dibelanjakan di setiap negeri yang telah mengadakan SEMARAK dan adakah matlamatnya tercapai.

*20. **Tuan Teoh Teik Huat** minta Menteri Dalam Negeri menyatakan kemajuan dalam penyiasatan pihak polis dalam penyelewengan \$8.6 juta sijil saham Federal Cables Wire dan Metal Manufacturing Berhad yang bermula pada bulan September, 1987.

*21. **Tuan Nasruddin bin Haji Alang Saidin** minta Menteri Dalam Negeri menyatakan:

- (i) jumlah kanak-kanak yang hilang dan jumlah yang dijumpai kembali;
- (ii) apakah punca utama kehilangan kanak-kanak ini; dan
- (iii) apakah usaha-usaha dan langkah-langkah yang telah diambil untuk membentasi kegiatan tersebut.

*22. **Tuan Lau Dak Kee** minta Menteri Pertanian menyatakan betapa seriusnya serangan kepada ladang-ladang, kebun-kebun dan tapak tanaman oleh serangga yang membahayakan atau membinasakan tanaman dan tumbuh-tumbuhan; dan

- (a) jumlah kerugian sejak 1986 hingga 1988;
- (b) tindakan yang berkesan telah dijalankan oleh Kerajaan.

*23. **Tuan Sim Kwang Yang** minta Menteri Dalam Negeri menyatakan:

- (a) berapa orang Penan yang telah ditangkap dan ditahan di bawah undang-undang perhutanan Sarawak sejak 1-1-1989 di Negeri Sarawak;
- (b) berapakah orang Penan yang ditangkap itu akan dan telah dihadapkan ke Mahkamah dan apakah tuduhan-tuduhan tentang mereka; dan
- (c) adakah pihak Kerajaan bercadang untuk melonggarkan pelaksanaan undang-undang tersebut memandangkan bahawa perkara ini telah dijadikan isu antarabangsa ekoran daripada teguran-teguran yang disiarkan di dalam rancangan televisyen Canada, New Zealand dan Australia.

*24. **Tuan Nik Abdullah bin Arshad** minta Menteri Luar Negeri menyatakan:

- (a) apakah yang mendorong Kerajaan begitu segera mengiktiraf apa yang dikatakan negara Palestin yang diisytiharkan oleh PLO berdasarkan resolusi 242 Bangsa-bangsa Bersatu itu;
- (b) adakah Kerajaan sedar bahawa mengiktiraf negara Palestin yang terdiri dari Tebing Barat Sungai Jordan dan Semenanjung Gaza juga bererti mengiktiraf negara Zionis Israel;
- (c) adakah kerana pengiktirafan itu dibuat kerana kebanyakan negara Arab mengiktirafnya atau ianya dibuat berdasarkan prinsip keadilan;
- (d) oleh kerana itu Palestin itu adalah masalah umat Islam seluruhnya, apakah Kerajaan tidak merasa perlu membincangkan dan mendapatkan pandangan umat Islam secara menyeluruh sebelum pendirian atas perkara tersebut; dan
- (e) oleh kerana pengiktirafan itu bertentangan dengan semangat umat Islam, adakah Kerajaan sedia menimbang untuk menarik balik pengiktirafan itu.

*25. **Tuan Samson Chin Chee Tsu** minta Menteri Tenaga, Telekom dan Pos menyatakan sama ada pihak Jabatan Kerjaya telah memilih tapak dan telah mengeluarkan tender yang perlu untuk pembinaan Pejabat Pos Tawau yang baru. Apakah Kerajaan menjangka kelewatan seterusnya di dalam permulaan dan penyelesaian projek tersebut yang benar-benar telah lewat.

*26. **Tuan Haji Abd. Rahman bin Bakar** minta Menteri Pengangkutan menyatakan:

- (a) pelaksanaan lesen baru memandu kenderaan—apakah ianya untuk menimbulkan masalah. Bila dan bagaimana ianya dilaksanakan; dan
- (b) apakah lesen bentuk baru ini lebih selamat dari yang terdahulu. Apakah ciri-ciri keselamatan. Bukanlah ianya membebaskan.

sama ada

*27. **Tuan Chian Heng Kai** minta Menteri Dalam Negeri menyatakan/Kementerian beliau bercadang untuk mendaftarkan pelarian-pelarian Vietnam sebagai pekerja-pekerja ladang untuk menggantikan pendatang-pendatang haram Indonesia jika ladang-ladang dalam negara kita benar-benar tidak dapat pekerja-pekerja tempatan yang mencukupi. memandangkan pelarian Vietnam lebih mudah dikawal, jika tidak, kenapa.

*28. **Dato' Haji Mohd. Abu Bakar Rautin Ibrahim** minta Menteri Pendidikan menyatakan sama ada beliau sedar bahawa terdapat banyak kelohan-kelohan daripada Iubupa dan kanak-kanak berkenaan dengan bebanan kerja dan tekanan pembelajaran ke atas kanak-kanak di bawah sistem baru KBSM. Jika sedar apakah cadangan dan langkah-langkah Kementerian Pendidikan untuk memperbaiki keadaan ini.

*29. **Tuan Ahmad bin Omar** minta Menteri Kewangan menyatakan kesan menyeluruh daripada penyenaian papan kedua BSKL di Kuala Lumpur semenjak ia dilancarkan.

*30. **Tuan Ahmad bin Omar** minta Menteri Luar Negeri menyatakan apakah sambutan dan langkah Kerajaan terhadap Cadangan Kerajaan Cina supaya dipertingkatkan pertukaran lawatan antara Kontraktor Cina dan Negara ini bagi membolehkan mereka berkongsi pengalaman dengan lebih berkesan.

*31. **Datuk Haji Sakaran bin Dandai** minta Menteri Perdagangan dan Perindustrian menyatakan sama ada seruan beliau supaya suri-suri rumah memulaukan barang-barang penting yang harganya melambung tinggi telah disahut. Jika tidak, apakah langkah-langkah yang akan diambil oleh pihak Kementerian bagi memastikan agar mereka yang tidak bertanggungjawab menaikkan harga barang-barang keperluan itu dapat dikesan dan seterusnya diambil tindakan yang wajar. Dan sama ada pihak Kementerian bercadang untuk memperketatkan lagi undang-undang serta peraturan-peraturan yang ada bagi menghukum lebih berat mereka yang sewenang-wenangnya menaikkan harga barang-barang.

*32. **Tuan Sim Kwang Yang** minta Perdana Menteri menyatakan:

- (a) jumlah kerugian atau keuntungan terkumpul Projek Proton Saga dari akaun terakhir;
- (b) sebab-sebab cadangan pengeksporan kereta Proton Saga ke Amerika Syarikat telah dibatalkan;
- (c) butir-butir berkaitan terhadap jualan kereta nasional itu di United Kingdom pada masa sekarang; dan
- (d) harga jualan purata sebuah Proton Saga di United Kingdom sekarang.

- *33. **Tuan Hashim bin Safin** minta Menteri Pembangunan Negara dan Luar Bandar menyatakan berapakah jumlah Koperasi Pembangunan Daerah di seluruh negara. Apakah peranan KPD dan Koperasi Pembangunan Negara *alias* KPN. Bagaimana prestasi KPD dan KPN secara keseluruhan. Apakah masalah yang sedang dihadapi oleh KPD dan KPN pada hari ini.
- *34. **Tuan Haji Mohamad Yusof bin Haji Abdul Latib** minta Perdana Menteri menyatakan adakah kerajaan bercadang untuk mengadakan rumah tumpangan sementara bagi pemeluk-pemeluk Islam yang lari dari keluarga yang tidak mahu menerima mereka lagi.
- *35. **Tuan Tan Kok Wai** minta Perdana Menteri menyatakan apakah hasil siasatan yang telah dilakukan oleh pegawai-pegawai Badan Pencegah Rasuah ke atas pegawai-pegawai dalam Bahagian Pinjaman Kerajaan di Kementerian Kewangan yang menerima rasuah tidak lama dahulu.
- *36. **Tuan Haji Abd. Rahman bin Bakar** minta Perdana Menteri menyatakan:
- (a) kenapakah pegawai-pegawai Tadbir Am (PTA) tidak setuju dengan cadangan yang dibuat oleh pihak Jabatan Perkhidmatan Awam untuk menyerapkan mereka ke Skim Perkhidmatan PTD; dan
 - (b) berapa ramai mereka yang akan terlibat dan apakah langkah Kerajaan untuk menyelesaikan masalah ini.
- *37. **Dr Abdul Hadi bin Derani** minta Menteri Pertahanan menyatakan tugas-tugas Kontinjen Pertama Pegawai-pegawai angkatan tentera Malaysia yang berkhidmat dalam Persatuan Pemerhati Tentera Iran-Iraq Pertubuhan Bangsa-bangsa Bersatu (UNIIMOG) dan prestasinya sehingga kini. Adakah Kementerian Pertahanan bercadang untuk memperbesarkan kontinjen tersebut di masa hadapan dan adakah keanggotaan kontinjen akan ditambah dengan pegawai-pegawai awam daripada Kementerian Pertahanan ataupun lain-lain jabatan Kerajaan.
- *38. **Dr V. David** minta Menteri Kewangan menyatakan:
- (a) memandangkan kes kehilangan wang sebanyak \$22.2 juta yang telah ada di bawah penjagaan Bank Negara Malaysia, adakah beliau ingin melantik suatu kumpulan profesional yang terdiri daripada pakar-pakar tempatan dan luar negeri, bagi menyasat perkara ini; dan
 - (b) adakah tujuan kumpulan profesional ini untuk menentukan jika ada atau tidak kemungkinan kehilangan jumlah wang yang lebih daripada jumlah yang dilaporkan, iaitu \$22.2 juta, dari Bank Negara Malaysia.
- *39. **Tuan Haji Abdul Razak bin Haji Abu Samah** minta Perdana Menteri menyatakan tidakkah ada cadangan Majlis Ugama Islam Malaysia agar diadakan satu undang-undang yang seragam tentang bayaran MASKAHWIN, kita tidak mahu umat Islam di negara ini nanti banyak yang tidak mahu berkahwin kerana tidak mampu untuk membayar MASKAHWIN yang tinggi atau mereka akan melakukan sesuatu yang menjejaskan seperti mengharamkan diri dari berkahwin dan menghalalkan pelacuran atau sanggup mencuri wang secara haram untuk menyediakan maskahwin yang banyak itu. Dan ini boleh berlaku apabila pegangan agama tidak kukuh.

- *40. **Tuan Hsing Yin Shean** minta Menteri Pertahanan menyatakan sama ada beliau sedar bahawa tiga orang budak yang berumur di antara 10 dan 12 hampir maut apabila mereka membaling "40mm grenade launcher" ke arah beberapa lembu dan meletup kawasan latihan menembak Kota Belud. Tempat ini adalah kawasan larangan tetapi mengapakah senjata atau bahan letupan dapat dikeluarkan dari kawasan tersebut dengan mudahnya. Apakah langkah-langkah keselamatan yang diambil dengan segera oleh kementerian beliau untuk mengatasi kejadian seperti ini berlaku.
- *41. **Tuan Ibrahim Azmi bin Hassan** minta Menteri Kewangan menyatakan sering sangat Bank-bank dalam Negara kita ini kehilangan wang-wang dengan angka yang besar-besar seperti berlaku skandal B.M.F. dan baru-baru ini pula dari Bank Negara lesap dua puluh dua juta dan banyaklah lagi yang berlaku sama ada diketahui atau tidaknya. Perkara-perkara seperti ini tidakkah menyebabkan hilang kepercayaan pelabur-pelabur asing yang ingin melabur di Negara kita, dan apakah usaha-usaha Kerajaan untuk menutup dan membendunginya supaya tidak menjejaskan kepercayaan pelabur-pelabur tersebut.
- *42. **Dr Tan Seng Giaw** minta menteri Kesihatan menyatakan cara bagaimana penyakit difteria merebak di perkampungan Arqam Kampung Sg. Pencala. Apakah jenis difteria yang merebak di sini. Mengapakah Kerajaan tidak mengarahkan supaya perkampungan Arqam menjadi kawasan kuarantin dengan sepenuhnya. Apakah keadaan pelalian di perkampungan tersebut sebelum kematian difteria berlaku. Apakah peratusan pelalian di seluruh negara.
- *43. **Tuan Haji Abdul Manaf bin Haji Ahmad** minta Menteri Perdagangan dan Perindustrian menyatakan apakah usaha dan langkah yang telah dibuat untuk mencegah peniaga-peniaga menaikkan harga barang-barang keperluan rakyat dengan sewenang-wenangnya. Berapakah kes-kes tangkapan yang telah dilakukan mengenainya.
- *44. **Tuan Haji Mohamed bin Yaacob** minta ^{Perdana} Menteri menyatakan apakah tindakan Kementerian ini terhadap golongan-golongan yang sentiasa menghasut orang ramai supaya tidak sembahyang Jumaat di Mukim-mukim yang mana lazimnya dari orang-orang yang menyokong Kerajaan. Sebagaimana tindakan yang telah diambil terhadap Al-Arqam kerana mereka ini boleh dianggap mengajar ajaran yang salah.
- *45. **Tuan Karpal Singh** minta Menteri Kehakiman menyatakan sama ada terdapat cadangan melantik lebih Hakim Mahkamah Tinggi. Jika ya, nyatakan bilangan yang Kerajaan cadangkan.
- *46. **Tuan Lim Guan Eng** minta Menteri Dalam Negeri menyatakan sama ada beliau bercadang untuk membentangkan undang-undang yang sama dengan Singapura yang mengenakan hukuman rotan ke atas pendatang-pendatang haram kerana kesalahan-kesalahan imigresen untuk mengawal bilangan mereka di negara kami yang kian meningkat; dan kalau tidak mengapa.

